

中華二千年史


卷五上

鄧之誠著

中華二千年史

卷五(上)

鄧之誠著



中華書局

1983年·北京

序

此明清史部分。脫稿於二十年前。採撰體例。一仍二千年史之舊。唯時代較近。所述宜較詳。故篇幅加多。不止倍蓰。而合述明清兩朝政治經濟文化因革遞嬗之迹。隸於編末。昔曾印作講義。惜鉛槧未竟。而太平洋戰起。不幸爲敵羈係。稿草多佚。自後無暇補苴。遂置之不顧。近始略事纂輯。期於復故。尙不可能。至於博綜整齊。何敢妄擬。比其粗就。殊嫌不能包舉。有宜詳而反漏略者。有宜簡而反煩複者。語其致此。蓋亦有由。初以論事宜先知人。故錄列傳敘事稍詳。又以近數百年間。多戰爭之事。若各爲細述。則累牘難窮。不述又嫌失關照。故編爲年表。俾諸方事迹。併列一表。庶可通觀其成敗進退。從來史表之作最難。今強效之。以致疵類。固由近事難明。抑亦識力有限。再則近代實錄正史官書檔案以及其他撰錄。浩博無垠。糾集駕馭。甚非易事。卽如明史。號爲佳作。而列傳中一事散見。輕重無別。往往顧此失彼。以較唐以前史。迴不相侔。清史稿成于倉卒。更不足以語此。明清實錄之修。由不學者任之。首尾不相連貫。蓋缺而不載者多。

矣。是非更可不論。然後知昔賢謂作史莫難于當代之史。誠爲不易之論。蓋史材愈多。甚費抉擇。其難乃倍於往古也。時賢正深研明清經濟。其見於書史者。率爲官文書。所習用語句。出於胥吏。當時易知易行。今乃不得其解。若望文生訓。不免毫釐千里之差。故斯編詮釋稍慎。有不知者。未敢強爲比附。唯錄其事。以待解人而已。凡此諸端。非求寬假。實出自狀。閱者諒之。一九五五年七月。鄧之誠識。

目錄

卷五 明清上

明世系（附帝系表）

（一）明之統一

..... 五

（二）明初之政局

..... 二二

（一）開國治術

..... 三

（2）靖難稱兵（附明初封藩簡表）

..... 一九

（三）明之疆域（附明疆域簡表）

..... 二六

（四）明與諸民族之關係

..... 三九

（1）瓦剌與韃靼（附達延汗世系簡表）

..... 三九

（2）日本

..... 三九

（甲）倭寇之起

..... 三九

（乙）朝鮮之戰

..... 六二

（3）安南

..... 六七

（4）土司

..... 七三

（甲）麓川

..... 七三

（乙）大藤峽

..... 七三

（丙）播州

..... 七三

（五）明之海上交通

..... 七九

（1）明初之招徠（附鄭和出使簡表 明初海上交通

諸國簡表）

..... 七九

（2）歐力之東漸

..... 七九

（甲）通商之起源

..... 七九

(乙)科學之輸入(附明末清初西來教士著作簡

表)..... 九六

附明代人民舉兵簡表..... 一九一

(七)明代之宦官..... 一九三

(1)宦官之職掌(附明宦官二十四衙門官制簡表)..... 一九三

(甲)東廠..... 一九九

(乙)京營..... 一九九

(丙)鎮守..... 二〇〇

(丁)採買..... 二〇一

(戊)管稅..... 二〇一

(己)開鑛..... 二〇三

(2)王振之禍..... 二〇四

(3)劉瑾之禍..... 二〇七

(4)魏忠賢之禍..... 二一三

(八)明代之黨爭..... 二二〇

(1)臺諫之橫..... 二二〇

(2)嘉靖議禮..... 二二四

(六)明代之政治..... 二二一

(1)宰相之任使..... 二二二

(甲)蹇夏三楊之久任..... 二二二

(乙)嘉靖以後之首輔(附薊遼空心敵臺表)..... 二二六

(丙)崇禎屢易閣臣(附崇禎五十宰相表)..... 二二四

(2)有明一代之吏治..... 二二七

(甲)明初之吏治..... 二二七

(乙)嘉靖以後之州縣..... 二二七

(丙)鄉紳..... 二二七

(3)內難之頻起..... 二二七

(甲)宗室稱兵..... 二二七

(乙)人民舉義..... 二二七

(丙)白蓮教徒..... 二二六

(3) 請立太子……………三二七

(4) 京察……………三三三

(甲) 癸巳大計……………三三三

(乙) 乙巳大計……………三三三

(丙) 辛亥大計……………三三四

(丁) 丁巳大計……………三三六

(戊) 癸亥大計……………三三六

(5) 東林及齊楚浙宜昆……………三三七

(甲) 東林……………三三七

(乙) 齊楚浙宜昆……………三三九

(6) 三案……………三四四

(甲) 挺擊……………三四四

(乙) 紅丸……………三四五

(丙) 移宮……………三四六

(7) 復社……………三四九

(8) 逆案……………三四五

(九) 明之衰亡……………三五七

(1) 滿洲之崛起……………三五七

(甲) 建州女真(附建州三衛設置遷徙簡表)……………三五七

(乙) 清太祖之興起……………三六三

(丙) 清太祖與明之戰爭……………三六四

(丁) 清太宗之制度……………三六六

(戊) 清太宗之攻明(附明末遼東重鎮失守經過

簡表)……………三六九

(己) 對朝鮮之用兵……………三六九

(庚) 內蒙古之平定……………三六九

[科爾沁部]……………三六九

[察哈爾部]……………三六九

(2) 人民之舉義……………三七一

(甲) 十三家(附十三家簡表)……………三七一

(乙) 李自成張獻忠(附崇禎朝大事年表)……………三七一

(3) 明之亡 三五

(甲) 北都之傾覆 三五

(乙) 南明之支撐 三七

「南都之亡」(附南明江北四鎮簡表) 三五

「閩粵滇之繼續」(附南明大事年表) 三五

中華二千年史(中國通史講義)

卷五 明清上

明世系

自太祖稱帝。八一三至永曆帝被執。一六六凡十九主。共二百九十四年。

太祖。姓朱。名元璋。字國瑞。先世家沛。徙句容。再徙泗州。父世珍。始徙濠州之鍾離。帝年

十七。父母兄相繼歿。孤貧無所依。乃入皇覺寺爲僧。以元順帝至正十二年。一三五從

郭子興起兵於濠州。二十四年。一三六稱吳王。用韓林兒龍鳳年號。二十八年。一三六

卽皇帝位。國號大明。建元洪武。在位凡三十一年。

惠帝名允炆。太祖孫。懿文太子標第二子也。洪武二十五年立爲皇太孫。太祖崩。繼立。改元建文。燕王兵入京師。宮中火起。帝不知所終。在位凡四年。

成祖名棣。太祖第四子也。封燕王。削藩議起。遂舉兵反。稱其師曰靖難。建文四年^{一四〇}六月。陷京師。卽帝位。仍以洪武三十五年紀年。明年改元永樂。在位凡二十二年。

仁宗名高熾。成祖長子也。嗣立。改元洪熙。在位凡一年。

宣宗名瞻基。仁宗長子也。嗣立。改元宣德。在位凡十年。

英宗名祁鎮。宣宗長子也。嗣立。改元正統。^{十四}土木師潰。帝被虜北去。景帝卽位。遙尊

爲太上皇帝。景泰元年歸。入居南內。八年正月。景帝有疾。石亨徐有貞等迎太上皇帝

復辟。改元天順。^八在位凡二十二年。

景帝名祁鈺。宣宗次子也。封郕王。正統十四年八月。英宗北狩。繼立。改元景泰。^七英宗

復辟。仍廢爲郕王。在位凡七年。

憲宗名見深。英宗長子也。嗣立。改元成化。在位凡二十三年。

孝宗名祐樞。憲宗第三子也。嗣立。改元弘治。在位凡十八年。

武宗。名厚照。孝宗長子也。嗣立。改元正德。在位凡十六年。

世宗。名厚燧。憲宗孫也。父興獻王祐杭。武宗無嗣。慈壽皇太后與大學士楊廷和定策。迎王卽帝位。改元嘉靖。在位凡四十五年。

穆宗。名載厚。世宗第三子也。封裕王。繼立。改元隆慶。在位凡六年。

神宗。名翊鈞。穆宗第三子也。隆慶二年。立爲皇太子。嗣立。改元萬曆。在位凡四十七年。

光宗。名常洛。神宗長子也。嗣立。改元泰昌。在位凡一年。

熹宗。名由校。光宗長子也。嗣立。改元天啓。在位凡七年。

思宗。名由檢。光宗第五子也。封信王。繼立。改元崇禎。李自成破京師。帝崩於煤山。在位凡十七年。

弘光帝。名由崧。神宗之孫也。襲封福王。李自成破京師。避地至淮安。鳳陽總督馬士英等。迎王入南京。甲申明崇禎十七年。一六四四年。四月。稱帝。明年。改元弘光。乙酉順治二年。五


月。清兵破南京。帝走蕪湖。依黃得功。清兵追至。被執北去。在位凡一年。

隆武帝。名聿鍵。太祖九世孫。太祖第二子。極之後。襲封唐王。南都破。南行至杭。鎮江總兵官鄭

鴻達等。遂奉以入閩。乙酉閏六月。立於福州。改元隆武。丙戌六月。清兵取紹興。八月。清兵入閩。帝至汀州。被執。死之。在位凡一年。

永曆帝。名由榔。神宗之孫也。隨父桂王。避地於梧州。隆武被執。於是兩廣總督丁魁楚、廣西巡撫瞿式耜等。共推監國。迎立於肇慶。丙戌十一月。稱帝。改元永曆。後為清兵所逼。於甲午。清順治十一年奔雲南。己亥。順治十一年奔緬甸。辛丑。順治十八年。清兵臨緬。執之而歸。明年四月。為吳三桂所弑。在位凡十五年。明亡。

附明帝系表



(一)明之統一

當太祖進取金陵。略定江表時。東有張士誠。西有陳友諒。俱稱勁敵。而友諒漢稱控扼上游。兵強勢盛。常有鯨吞之志。是以數相攻擊。得失互見。及鄱陽湖一戰。雌雄乃決。明之基業。於是始固。

元順帝至正二十三年一三六三年七月。太祖自將救洪都。即南昌。時爲陳友諒所圍攻。次湖口。先伏兵涇江口及南湖嘴。遏友諒歸

路。檄信州兵守武陽渡。友諒聞太祖至。解圍。逆戰於鄱陽湖。友諒兵號六十萬。……太祖分軍十一隊以禦之。……

……友諒悉巨艦出戰。諸將舟小。仰攻不利。……會日晡。大風起東北。乃……縱火焚友諒舟。……友諒兵大亂。諸

將鼓噪乘之。……友諒氣奪。復戰。友諒復大敗。於是……太祖移軍扼左蠡。友諒亦退保渚磯。……八月。友諒食

盡。趨南湖嘴。爲南湖軍所遏。遂突湖口。太祖邀之。順流搏戰。及於涇江。涇江軍復遮擊之。友諒中流矢死。張定邊

以其子理奔武昌。(明史卷一太祖紀一)

友諒……死。軍大潰。……太尉張定邊。夜挾友諒次子理。載其屍遁還武昌。……子理既還武昌。嗣僞位。改元德

壽。是冬。太祖親征武昌。明年至正二十四年二月。再親征。……太祖乃遣其故臣羅復仁入城招理。理遂降。(明史卷一

二三陳友諒傳)

太祖既滅漢。悉得江楚地。遂移師東指以征張士誠。

當是時。士誠所據。南抵紹興。北踰徐州。達於濟寧之金溝。西距汝潁。濠泗。東薄海二千餘里。帶甲數十萬。……吳承平久。戶口殷盛。士誠漸奢縱。怠於政事。……友諒亦遣使約士誠夾攻太祖。而士誠欲守境觀變。許使者。卒不行。太祖既平武昌。師還。即命徐達等規取淮東。……圍高郵。士誠以舟師溯江來援。太祖自將擊走之。達等遂拔高郵。取淮安。悉定淮北地。於是移檄平江。今江蘇吳縣。士誠建都地。數士誠八罪。徐達常遇春帥兵自太湖趨湖州。……士誠知事急。親督兵來戰。敗於皂林。……湖州守將李伯昇等以城降。嘉興松江相繼降。潘原明亦以杭州降於李文忠。至正二十六年一三六六年十一月。大軍進攻平江。築長圍困之。……二十七年即太祖吳元年九月。城破。士誠……至金陵。竟自縊死。(明史卷一二三張士誠傳)

時浙東尚爲方國珍所據。太祖乘勝遣兵擊滅之。

吳元年。克杭州。國珍據境自如。遣間諜假貢獻名覘勝負。又數通好於擴廓帖木兒及陳友定。圖爲犄角。太祖聞之怒。……至正二十七年九月。太祖已破平江。命參政朱亮祖攻台州。國瑛國珍弟迎戰。敗走。進克溫州。平南將軍湯和以大軍長驅抵慶元。浙江鄞縣國珍帥所部遁入海。追敗之盤嶼。其部將相次降。和數令人示以順逆。國珍乃遣子關奉表乞降。(明史卷一二三方國珍傳)

太祖既下江浙。乃遣將分道經略南北。

至正二十七年十月……徐達爲征虜大將軍。常遇春爲副將軍。帥師二十五萬。由淮入河。北取中原。胡廷瑞爲征南將軍。何文輝爲副將軍。取福建。湖廣行省平章楊璟、左丞周德興、參政張彬、取廣西。（明史卷一太祖紀一）

其南定閩廣。用兵經過如下。

太祖既平方國珍。即發兵伐友定。將軍胡廷美、何文輝。由江西趨杉關。湯和、廖永忠。由明州海道取福州。李文忠由浦城取建寧……友定……聞杉關破。急分軍爲二。以一軍守福。而自帥一軍守延平。以相犄角。及湯和等舟師抵福州之五虎門。平章曲出。引兵逆戰。敗。明兵緣南臺蟻附登城。守將遁去。（明史卷一二四陳友定傳）

洪武元年元順帝至正二十八年。一三六八年正月……胡廷瑞克建寧……湯和克延平。執元平章陳友定。福建平。（明史卷

二太祖紀二）

洪武元年……永拜征南將軍。以朱亮祖爲副。由海道取廣東。永忠先發書諭元左丞何真。曉譬利害。真即奉表請降。至東莞。真帥官屬出迎。至廣州……馳諭九真、日南、朱厓、儋耳三十餘城。皆納印請吏。進取廣西。至梧州……

潯、柳諸路皆下。遣亮祖會楊璟。收未下州郡。永忠引兵克南寧。降象州。兩廣悉平。（明史卷一二九廖永忠傳）

楊璟……以功擢湖廣行省參政……遷行省平章政事。帥左丞周德興、參政張彬。將武昌諸衛軍取廣西。洪武元年春。進攻永州……圍之……遣千戶王廷取寶慶。德興、彬取全州。略定道州、藍山、桂陽、武岡諸州縣。而永州久不下。令裨將分營諸門。築壘困之。造浮橋西江上。急攻之……遂克永州。而征南將軍廖永忠、參政朱亮祖。亦自廣東取梧州。定潯、貴、鬱林。亮祖以兵來會。進攻靖江……二月。克之……張彬……復移師徇郴州。降兩江土

官黃英、岑伯顏等。而永忠亦定南寧、象州、廣西悉平。（明史卷一二九楊璟傳）

其北伐用兵經過如下。

召諸將議北征。太祖曰：山東則王宣反側，河南則擴廓跋扈，關隴則李思齊、張思道、梟張猜忌，元祚將亡……今將北伐……元建國百年，守備必固，懸軍深入，餽餉不前，援兵四集，危道也。吾欲先取山東，撤彼屏蔽，移兵兩河，破其藩籬，拔潼關而守之，扼其戶檻，天下形勝，入我掌握，然後進兵元都，勢孤援絕，不戰自克，鼓行而西，雲中、九原、關隴，可席卷也。（明史卷一太祖紀一）

徐達拜征虜大將軍，以常遇春爲副，帥步騎二十五萬人，北取中原。太祖親禡於龍江……又謂達：進取方略，宜自山東始。師行，克沂州，降守將王宣，進克嶧州。王宣復叛，擊斬之。莒、密、海諸州悉下，乃使韓政分兵扼河，張興祖取東平、濟寧，而自帥大軍拔益都，徇下濰、膠諸州縣。濟南降，分兵取登、萊，齊地悉定。（明史卷一二五徐達傳）

洪武元年……還軍濟寧，引舟師沂河趨汴梁，守將李克彝走。左君弼、竹貞等降。遂自虎牢關入洛陽，與元將脫因帖木兒大戰洛水北，破走之。梁王阿魯溫以河南降，略定嵩、陝、陳、汝諸州，遂擣潼關，李思齊奔鳳翔，張思道奔鄜城，遂入關，西至華州。（明史卷一二五徐達傳）

達……遂與副將軍會師河陰，遣裨將分道徇河北地，連下衛輝、彰德、廣平，師次臨清，使傅友德開陸道，通步騎。顧時浚河通舟師，遂引而北，遇春已克德州，合兵取長蘆，扼直沽，作浮橋以濟師，水陸並進，大敗元軍於河西務，進克通州。順帝帥后妃太子北去，踰日，達陳兵齊化門，填濠登城……捷聞，詔以元都爲北平府，置六衛，留孫興

祖等守之。(明史卷一二五徐達傳)

達與遇春進取山西。遇春先下保定、中山、真定、馮勝、湯和、下懷慶、度太行、取澤、潞。達以大軍繼之。時擴廓帖木兒方引兵出雁門。將由居庸以攻北平。……乃引兵趨太原。擴廓至保安。果還救。達選精兵夜襲其營。擴廓以十八騎遁去。盡降其衆。遂克太原。乘勢收大同。分兵徇未下州縣。山西悉平。(明史卷一二五徐達傳)

洪武二年。引兵西渡河。至鹿臺。張思道遁。遂克奉元。時遇春下鳳翔。李思齊走臨洮。達會諸將議所向。皆曰。張思道之才。不如李思齊。而慶陽易於臨洮。請先慶陽。達曰。不然。慶陽城險而兵精。猝未易拔也。臨洮北界河湟。西控羌戎。……蹙以大兵。思齊不走。則束手縛矣。臨洮既克。於旁郡何有。遂渡隴。克秦州。下伏羌、寧遠。入鞏昌。遣右副將軍馮勝。逼臨洮。思齊果不戰降。分兵克蘭州。襲走豫王。……還出蕭關。下平涼。思道走寧夏。爲擴廓所執。其弟良臣以慶陽降。達遣薛顯受之。良臣復叛。夜出兵襲傷顯。達督軍圍之。……遂拔慶陽。……盡定陝西地。詔達班師。(明史卷一二五徐達傳)

嶺表既平。中原奠定。惟明昇猶據兩川稱帝。太祖復命傅友德、湯和等分道進討。連敗夏兵。定蜀地。

洪武四年。充征虜前將軍。與征西將軍湯和。分道伐蜀。和帥廖永忠等。以舟師攻瞿塘。友德帥顧時等。以步騎出秦隴。太祖諭友德曰。蜀人聞我西伐。必悉精銳。東守瞿塘。北阻金牛。以抗我師。若出不意。直擣階、文。門戶既墮。腹心自潰。兵貴神速。患不勇耳。友德疾馳至陝。集諸軍。聲言出金牛。而潛引兵趨陳倉。攀援巖谷。晝夜行。抵階州。敗